

» esito, i dà a mi fiducia de presentarme in tal logo. La Signoria
 » donca se ha prestà in tutte le ore, anche nelle accordate ai biso-
 » gni della vita; la ze venuda con una Parte. Questa, non so se
 » l'avesse incontrà nel genio al Contarini. L'era allora oppresso da
 » mal fisico: ma al Contarini se ha sostituïdo un altro, perchè *uno*
 » *avulso, non deficit alter*. Non posso render conto dei punti de
 » quella opposizion perchè la mia situazion non portava, che ghe
 » fossi molto presso; quel, che ho possudo capir, me ha parso me-
 » tafisico. Comunque per altro se sia, l'effetto fu, che un altro co-
 » spicuo cittadin se ze messo con rettitudine de intenzion ma nel ben,
 » cercando l'ottimo, l'ha domandà, che gnente le prenda; el che
 » forse produsse a vostre eccellenze el presente incommodo. Ghe
 » ze susseguida la terza ballottazion, e dirò così, in ambiguità de
 » pareri. Non ostante el Contarini la conta, come un trionfo. Ha
 » tornà a prestarse, non mai stanca, la serenissima Signoria, la ze
 » venuda con un'altra proposizion: spero in Dio Signor, che in ancuo
 » le la vorrà prender. Ghe domando perdon, se parlo innornato e
 » senza ordine. Questo ghe farà prova della mia improvvisa comparsa,
 » nella qual invoco l'assistenza de Dio e confido in quel straordina-
 » rio valor, che in sta sorte de occasion sento sempre in mi stesso.
 » L'ha eccità sui viveri de prima necessità. L'ha domandà,
 » che ghe ne sia corretti i prezzi eccessivi, in tal maniera per altro,
 » che non resti esposta la pubblica fede a nessun pericolo. L'ha
 » ditto, che i partidi ha le so leggi, che con queste i fu abboccadi,
 » che un' autorità ordinaria non li pol tajar, perchè in sti contratti
 » *princeps utitur auctoritate privati*. Va benissimo, el ze legal; ma
 » fin qua ghe arrivo anca mi. Come mai tajar sti partidi senza in-
 » commodar l'erario? Mi no trovo balsamo per ste piaghe. Ello sì.
 » Quel, che non poderave far tutti i magistrati della Repubblica,
 » quel che sarave ingiustizia per elli, deventerà giustizia per el Mazor
 » Conseggio? L'è fatto de prencipe; chi perde so danno! El Mazor
 » Conseggio pol farlo, perchè el se ha riservà la suprema autorità?
 » El Mazor Conseggio non se ha mai riservà una indegnità. Abbocca